



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

GIREIDI YA 12

TSHIVENDA LUAMBO LWA HAYANI (HL)

BAMMBIRI LA VHUVHILI (P2)

LUHUHI/THAFAMUHWE 2016

MEMORANDAMU

MARAGA: 80

Memorandamu uyu u na masiatari a 27.

TSIVHUDZO KHA VHAŁOLI/VHAMAKI

- Memorandamu uyu i tou vha tsumbandila fhedzi ya u thusa vhałoli/vhamaki.
- Memorandamu u tea u thoma wa dzulelwā dzulo nga vhołhe vha kwameaho khathihi na phanele ya u linga musi u ḥola/maka hu sa athu u thoma.
- Phindulo dza vhalingiwa dzi tea u eliwa nga u angaredza zwi tshi tevhedza vhukoni/ndeme yazwo.

MAGA A U ḥOLA/MAKA

1. Arali mulingiwa o fhindula mbudziso dzi fhiraho tshivhalo tsho tiwaho, kha vha make/ḥole fhedzi phindulo ya u thoma. (Mulingiwa ha tei u fhindula mbudziso ndapfu na mbudziso pfufhi u bva kha lushaka luthihi lwa bugu/linwalwa.)
2. Arali mulingiwa o fhindula mbudziso dzothe nna u bva kha KHETHEKANYO YA A, (zwirendo two vhonwaho), kha vha make/ḥole phindulo mbili fhedzi dza u thoma.
3. Arali mulingiwa o fhindula mbudziso ndapfu mbili kana mbudziso pfufhi mbili kha KHETHEKANYO dza B na C, kha vha make/ḥole ya u thoma vha litshe ya vhuvhili. Arali mulingiwa o fhindula mbudziso dzothe nna, kha vha make/ḥole phindulo ya u thoma kha KHETHEKANYO inwe na inwe, tenda a vha o fhindula mbudziso nthihi pfufhi na nthihi ndapfu.
4. Arali mulingiwa a nga fhindula phindulo mbili hune ya u thoma ya vha yo khakhea ngeno ya vhuvhili i yone, kha vha make ya u thoma vha litshe ya vhuvhili.
5. Arali phindulo dzi songo nomboriwa nga ngona, kha vha make/ḥole vha tshi tevhedza memorandamu.
6. Arali vhukhakhi ha mupeleto vhu tshi nga khakhisa ḥhalutshedzo, kha vha zwi make sa vhukhakhi. Arali zwi sa khakhisi ḥhalutshedzo, kha vha make sa zwone.
7. *Mbudziso ndapfu/dza maanea*
Arali maanea/phindulo ndapfu ya nga vha pfufhi kha tshivhalo tsha maipfi tsho tiwaho, vha songo ɳea ndaṭiso, ngauri o no ḫi dzula o ḫihatula ene muṇe. Arali phindulo ya lapfesa u fhirisa mpimo, kha vha sedzuluse/ḥole nga ho teaho nyimele nahone vha songe mutumba na vhatoli vhahulwane. Kha vha shumise rubriki dza u linga dzi re kha *Aphendikisi ya A na B* u ḥola maanea a vhalingiwa.

8. *Mbudziso pfufhi*

Arali mulingiwa a songo shumisa zwi^{devhe} musi o humbelwa uri a khouthé,
vha songo nea ndat^{iso}.

9. Kha mbudziso dzo vuleaho (open-ended questions), hu songo avhelwa maraga kha EE/HAI, kana kha NDI A TENDA/A THI TENDI. Thikhedzo/khwathisedzo/thalutshedzo kha zwi vhe zwone zwi dzhielwaho nzhele kana zwi avhelwaho maraga.

10. Hu songo avhelwa maraga kha NDI NGOHO/A SI ZWONE kana NDI MBUNO/KUHUMBULELE KWAWE. Thikhedzo/Khwathisedzo/Thalutshedzo kha zwi vhe zwone zwi dzhielwaho nzhele kana zwi avhelwaho maraga.

KHETHEKANYO YA A: VHURENDI**VHURENDI HO VTHONWAHO/RANDELWAHO/GUDIWAHO****MBUDZISO YA 1: VHURENDI – MBUDZISO NDAPFU****KHA VHA DZHIELE NZHELE:**

- Kha vha shumise adendamu/mbuno dzi tevhelaho, kha dziñwe dze vhalingwa vha nea, sa tsumbandila yo livhiswaho kha u ḥola/maka mbudziso iyo, zwi tshi yelana na u nyanyulea khathihi na u pfectesa ha hawe ha tshirendo itshi.
- Kha vha shumise rubriki i re kha siatari 25 musi vha tshi ḥola/maka mbudziso iyi.

KUAVHELWE KWA MARAGA**Maraga dzi avhelwe nga ndila yone:**

- Maraga dza 7 ndi dza mbuno.
- Maraga dza 3 ndi dza luambo. Dzone dzi avhelwe nga ndila hei:
 - Maraga 3 arali mbuno dzi 6–7
 - Maraga 2 arali mbuno dzi 4–5
 - Maraga 1 arali mbuno dzi 0–3

U VHA THANYELE – D Nephalama***ADENDAMU*****Marangaphanda**

Thalutshedzo ndi zwine tshirendo tsha amba zwone. Tshitanza/Ndima i vhumbwa nga mitaladzi/vese ine ya bveledza khethekanyo kana yunithi kha tshirendo. Kha itshi tshirendo murendi u shumisa zwitanza zwa rathi u bvisela khagala thalutshedzo ya itshi tshirendo. Murendi u khou shumisa zwitanza u talutshedza uri vhatu vha sumbedza uri vha a u funa ngeno vho ḥala vengo line vha sa ḥode u u sumbedza – ndi lufuno lwa kholekhole/muhoyo.

Mbuno

- Kha tshitanza/ndima ya u thoma murendi u nea thalutshedzo ya uri vhatu vha ni seisa khole ngeno mbiluni dzavho zwi siho.
- Kha tshitanza/ndima ya vhuvhili murendi u nea thalutshedzo ya uri vhatu vha a tonda muthu ngeno vho mu lalela/dzumbamela hu u itela uri a sa zwi vhone uri a vha mu funi/vha tshi do fhedza vho mu tshinyadza/vhulaha.
- Kha tshitanza/ndima ya vhuraru murendi u nea thalutshedzo ya uri vhatu vha sumbedza muthu lufuno ngeno nga thungo vha tshi khou mu sola na u mu sasaladza.

- Kha tshitanza/ndima ya vhuṇa murendi u ḥea ḥhalutshedzo ya uri musoliwa ha zwi vhoni uri vhasasaladzi vhawe vha khou mu tshinya vhumuthu/tshirunzi tshawe.
- Kha tshitanza/ndima ya vhuṭanu murendi u ḥea ḥhalutshedzo ya uri vhathu vha diita vhavhuđi ngeno vha vhone vhavhulahi vhau.
- Kha tshitanza/ndima ya vhurathi murendi u ḥea ḥhalutshedzo ya uri muthu kha thanyele vhathu vhane vha sumbedza uri vha a mū funa ngeno vho mu dzumbela vhuvhī havho.

Magumo

Murendi o kona u shumisa zwitanza/ndima u bveledza ḥhalutshedzo ya uri vhathu vha a sumbedza u u funa ngeno vho ḫala vengo kha iwe.

[10]

MBUDZISO YA 2: VHURENDI – MBUDZISO PFUFHI**VHUNGOHO NA VIVHO – TR Ratshītanga**

- 2.1 Murendi u tama u bvisela khagala uri ngoho na vivho a zwi andāni/zwi a lwedzana/a zwi pfani. ✓✓ (2)
- 2.2 Ipfi 'vhulāđa' ḥi bveledza ḥhalutshedzo ya uri vivho ḥi a vhaissav/la dovha la tambudza muñe walov (2)
- 2.3 Vhungoho vhu tshi ḥi hada > ḥiedzamuthu/lifanyamuthu.✓
Vhungoho vhu tshi ḥi hada sa khwivho > ḥifanyisi. ✓ (2)
- 2.4 Ndi khaesura, i shumaho u awedza zwītuku u bveledza mutevhetsindo u ongolowaho/wa u pfela vhuṭungu.✓✓

KANA

Khoma i bveledza khaesura. I shuma u ḫumanya mihibulo mivhili i tevhekanaho u bveledza khwaṭhisēdzo ya zwi ambiwaho. ✓✓ (2)

- 2.5 Ee/Ndi a tendelana nae. A hu na tshi fhiraho ngohov/ ngauri a i shanduki na khathihi.✓

KANA

Ngauri ngoho a i kundwi nga vivho/mazwifhi na khathihi. ✓✓
 (Na zwiñwe zwi pfalaho).

(2)

[10]

MBUDZISO YA 3: VHURENDI – MBUDZISO PFUFHI**VHASWA VHA AFURIKA TSHIPEMBE – LR Ndlovu**

- 3.1 Murendi u tama u bvisela khagala uri vhathu vha vho tendelwavho u amba zwine vha funa hu si na u hanelwa/fariwa/tovholwa. ✓✓ (2)
- 3.2 Ipfi 'maphinde' li bveledza thalutshedzo ya u amba mafhungo a si ngoho/a si a vhukuma/a sa fhatiho lushaka.✓✓ (2)
- 3.3 Ndi lifanyamuthu/liedzamuthu.✓ Murendi u amba uri shango li a bvelela/li a vha na lukuna musi vhaswa vhalo vha tshi shumesa/vha sa bvafhi.✓ (2)
- 3.4 U eletshedza vhaswa vha Afurika Tshipembe uri vha thanye vha bve kha vhupuli na u sa kona u vhona zwi bveledzaho shango.✓✓ (2)
- 3.5 Ee/Ndi a tendelana nae. Murendi u kaidza vhaswa uri vha songo tamba nga mbofholowo/demokirasi/shango lavho lo pfumaho uri vha mirafho i daho (madadzwane) vha diphiñe nga zwe ra wana/lwela.✓✓
(Kana zwinwevho zwi pfalaho) (2)
[10]

MBUDZISO YA 4: VHURENDI – MBUDZISO PFUFHI**DWADZETSHIFU – T Makhado**

- 4.1 Murendi u bvisela khagala u pfa hawe vhutungu a tshi humbula nga ha dwadze/nyimele ine a vha khayo.✓✓ (2)
- 4.2 Ndi mutevhetsindo u ongolowaho.✓ Murendi u pfa vhutungu vhunga a si tsha kona na u tshimbila, ngeno o onda lu ofhisaho.✓ (2)
- 4.3 Murendi u vho pfa vhutungu ngauri u diphiña hawe zwiла a tshe o takala ho fhela,✓ ho sala u tambudzwa nga vhulwadze.✓ (2)
- 4.4 Muhumbulo muhulwane ndi wa uri murendi o livhana na lufu vhunga dwadze lo no hulela tshothe.✓✓
(Kana zwinwevho zwi pfalaho). (2)
- 4.5 Vhu sumbedza uri wa tshila nga ndila i sa tanganedzei u a dzhenwa nga malwadze ane a u isa lufuni.✓ Murendi o didzhenisa kha zwa vhudzekani zwa mu hovhela malwadze a isaho lufuni.✓ (2)
[10]

NA

**VHURENDI VHU SONGO VHONWAHO/RANDELWAHO (HA
KHOMBEKHOMBE)**

MBUDZISO YA 5: VHURENDI – MBUDZISO PFUFHI

LUFU LWA VHUTSHILO – LR Ndlovu

- 5.1 Vhathu vhanzhi (vhaswa) vha ano ma^{du}vha vho no tou vha mavhida a nn̄da vhunga vha tshi vho fa vha tshee vha^{tu}ku nga zwiito/maitele mavhi ane vha didzhenisa khao.✓✓ (2)
- 5.2 Ipfi 'vhutshilo' li hanedzana na 'lufu' zwa bveledza lishandi. Thoho iyi yo tea vhunga murendi a tshi khou bvisela khagala uri naho vhaswa vha ano ma^{du}vha vha tshi khou 'tshila' vha di nga vhathu vho 'faho' vhunga vhutshilo havho vhu vhupfufhi nga u tshila vha sa dilondi.✓✓ (Kana zwiñwevho zwi pfalaho). (2)
- 5.3 Ndovhololo ya 'vhutshilotshilo' i bvisela khagala khwathisedzo ya vhutshilo ho kunaho/havhu^di vhune ha tamisa na musi muthu wā hone o no lovha.✓✓ (2)
- 5.4 Muhumbulo muhulwane ndi wa u tsivhudza/kaidza vhaswa (na vharangaphanda) uri vha litshe kutshilele ku si kwavhu^di vhathuni/songo teaho vhathuni.✓✓ (2)
- 5.5 Ndi a tendelana nae, ngauri hu na vharangaphanda vhane na vhone vha si tsha londa kutshilele kwo teaho vhurangaphanda havho vhunga vha tshi tshila vha si na mbonelaphanda.✓✓ (Kana zwiñwevho zwi pfalaho). (2)
[10]

THANGANYELO YA KHETHEKANYO YA A: 30

KHETHEKANYO YA B: NGANEA/FOLUKUŁOO

NGANEA

TSHI DO LILWA – NE Phaswana

MBUDZISO YA 6: *TSHI DO LILWA – MBUDZISO NDAPFU*

KHA VHA DZHIELE NZHELE:

- Izwi i tou vha mutheo wa u fhindula iyi mbudziso ndapfu. Kha zwi shumiswe sa tsumbandila fhedzi. Fhedzi-ha, kha vha tendele-vho na miňwe mihibulo yo fhambanaho na iyi, tenda ya vha i tshi sumbedza vhusiki na vhutanzi ha tsenguluso na mihibulo zwo dziaho.
- Kha vha shumise rubriki i re kha siatari 27 musi vha tshi tola/maka mbudziso iyi.

KUAVHELWE KWA MARAGA

Maraga dza mbuno 15.

Maraga dza tshivhumbeo na luambo dzi avhelwe nga ndila i tevhelaho:

- Tshivhumbeo: (Mathomo, mutumbu, magumo) – maraga 6
- Luambo: maraga 4 dzo avhelwa nga heyi ndila:
 - Arali e kha khoudi 6–7 u wana maraga 4
 - Arali e kha khoudi 4–5 u wana maraga 3
 - Arali e kha khoudi 1–3 u wana maraga 2

ADENDAMU

Marangaphanda

Khudano ndi u lwa/fhambana ha mihibulo vhukati ha vhabvumbedza nga tshavho/vhukati ha vhabvumbedza na mulayo/vhukati ha vhabvumbedza na mupo/kha mubvumbedza ene muňe. Khudano i nga bvelela nga nn̄da lune ya kona u vhonala kana ya bvelela nga ngomu kha mubvumbedza ene muňe. Muňwali wa bugu iyi o zwi kona u bvisela khagala khuđano nga ndila i tevhelaho:

Mbuno

- Kha iyi nganea yashu, ri wana khudano ya nn̄da vhukati ha Vho-Luvhone na Vho-Emeli ya u sa tendelana kha kushumisele kwa masheleni afha muňani. Musi Vho-Emeli vha tshi dzhia zwithu nga zwikolodo vha vho swika na huné vha vho balelwa u zwi badela murahu, zwa vho lutanya avha vhavhili.
- Khuđano ya nn̄da i dovha ya vhonala musi Vho-Luvhone Nethulwe vha tshi hanelwa u koloda tshelede nga minidzhere wa bannga ya Second National Bank Vho-Potgieter ngauri ha pfi bannga yeneyo vha a i koloda.

- Khu^ñdano i dovha ya vhonala vhukati ha Vho-Luvhone na Luambo. Ndi musi zwi^ñla Vho-Luvhone vha tshi ya u koloda tshelede ya u lifha zwikolodo uri thundu dzi si dzhiwe. Luambo o mbo di vha kolela afhedza a vha vhudza uri a nga tou vha thusa nga u renga thundu dzavho.
- Khu^ñdano inwe i vhonala vhukati ha Vho-Luvhone, Vho-Emeli na mulayo. Izwi ri zwi vhaba musi Vho-Emeli vha tshi rengisa zwidzidzivhadzi ngei Yunivesithi i ndila ya u toda u lwa na zwikolodo vha vho fhedza vho farwa. Vho-Luvhone vho tou didzhenisa kha zwa vhugevhenga ha u pwasha dzibanga.
- Khudano i vhaba hafhu musi Vho-Emeli vha tshi farelwa u rengisa mbanzhe. Vho-Emeli vha semana na Vho-Luvhone musi vho farwa vha tshi ri Vho-Luvhone ndi vhaba vho vha rengiselaho mapholisa.
- Khu^ñdano ya nga ngomu ri i vhaba musi Vho-Luvhone vha na thaidzo ya u dalelwa nga zwikolodo. Vha ngei mushumoni wavho nga nwambo wa thaidzo vha ita vha tshi da^ña lune vha hangwa na madzina a vha shumisani navho.
- Khu^ñdano inwe ya ngomu ndi ya musi Vho-Luvhone vha tshi humbula u didzhenisa kha zwa vhugevhenga u itela u tandulula thaidzo ya zwikolodo. Vho vha na luvalo lwa u timatima saizwi zwa vhugevhenga zwi si zwavho.
- Musi Vho-Luvhone na lugwada lwavho vha tshi farwa khu^ñdano vhukati havho na mulayo i mbo vhifha/hulela tsho^ñthe lune vha fhedza vho valelwa dzhele.

Magumo

Muiwali o kona u bveledza khudano buguni iyi ngauri ndi yone yo totomodzaho mafhungo zwa mbo vhangula na u dzikusa dzangalelo la vhavhali/muvhali.

[25]

MBUDZISO YA 7: TSHI DO LILWA – MBUDZISO PFUFHI

- 7.1 Tsha nyito i takuwaho,[✓] ngauri ndi musi Vho-Luvhone na Vho-Emeli vho ya u koloda tshelede ha Luambo vha tshi toda u lifha zwikolodo zwavho zwe zwa vha zwe no andesa.[✓] (2)
- 7.2 Vho-Luvhone na Vho-Emeli vho vho kundelwa u wana thuso ya masheleni kha Luambo zwa mbo vha kombetshedza uri nga murahu vha vho didzhenisa kha zwa vhugevhenga ha u rengisa mbanzhe na u tswa dzitshelede.^{✓✓} (2)
- 7.3 Thaidzo i kwama Vho-Emeli nga ndila i vha vha isaho ngauri vho vha vho no dinalea lwe vha vha si tsha kona na u amba.^{✓✓} (2)
- 7.4 Luambo o olwa sa muthu ane a dihudza/dikukumusa/kola nga zwine a vha nazwo.[✓] Kufhindulele kwawe a si ku sumbedzaho matshilisano avhudi.[✓] (2)
- 7.5 Ndi khudano ya nga ngomu.[✓] Ngauri ho do vuwa luvhengelambiluni kha Vho-Luvhone nge Luambo a vha dzima tshelede nga ndila i vhavhaho vhukuma.[✓] (2)

- 7.6 Mulaedza ndi wa uri vhathu kha vha litshe vhuhovheleli kha zwithu zwine vha si kone u zwi swikelela.✓ Izwi ri zwi vhona musi Vho-Emeli vho dzhenisa Vho-Luvhone zwikolodoni nga hone u funesa zwithu zwa nthā.✓✓ (3)
- 7.7 Muñwali vho kona u bvisela magumo khagala ngauri Vho-Luvhone na Vho-Emeli vho do fhedza vho farwa ngauri vho vha vho no didzhenisa kha zwa vhugevhenga na zwidzidzivhadzi.✓✓

KANA

Magumo a bugu iyi a a timatimisa musi ri tshi vhona Dzhalagoma wa ligevhenga lo godombelaho a tshi mbo di rembuluwa kerekene nga ndila i mangadzaho. Zwi nga magumo o tou kombetshedzwa zwa vho sia a sa tsha fusha. ✓✓ (2)

- 7.8 Vho-Emeli ndi mufumakadzi wa musalauno we a vha a tshi funesa zwithu zwavhudzi zwa u dura, u fana na dzigoloi dza maimo, zwikolo zwa u dura, thundu ya nduni na zwiambaro. U ya nga tshifhinga, izwi zwi vha tutuwedza u didzhenisa kha zwa vhugevhenga vhune ha fhedza ho vha wedza khomboni ✓✓✓ (3)
- 7.9 B. U luvha a hu vhavhi/B/U luvha a hu vhavhi. ✓ (1)
- 7.10 Ndi vhona zwo tea, ngauri Dzhalagoma o divhona mulandu kha zwe a ita a vho shanduka thanzi ya muvhuso ngauri o vha o diimisela u bulu zwothe uri a kone u hangwelwa.✓✓

KANA

Ndi vhona zwi songo tea, ngauri u khou latedza vhainwe vhe a tou vha dzhenisa kha zwiito zwo vhifhaho, zwi sia a sa fulufhedzei.✓✓ (2)

- 7.11 - Ndo vha ndi tshi do dibvisa kha mafhundo a u funesa zwithu zwa nthesa ngeno ndi sa koni u zwi swikela.✓
 - Ndo vha ndi tshi do langa zwikolodo zwanga uri zwi songo fhira mpimo lune nda do balelwa u zwi badela.✓
 - Ndo vha ndi tshi do thoma nga u langana na munna wanga musi ndi sa athu u renga tshithu.✓
 - Ndo vha ndi tshi do ditanganedza uri tshelede a thi na.✓
 (Zwiraru fhedzi na zwiñwe zwi pfalaho) (3)

[25]

BULAYO LO TALIFHAHO – AW Magau**MBUDZISO YA 8: *BULAYO LO TALIFHAHO – MBUDZISO NDAPFU*****KHA VHA DZHIELE NZHELE:**

- Izwi i tou vha mutheo wa u fhindula iyi mbudziso ndapfu. Kha zwi shumiswe sa tsumbandila fhedzi. Fhedzi-ha, kha vha tendele-vho na miñwe mihumbulo yo fhambanaho na iyi, tenda ya vha i tshi sumbedza vhusiki na vhutanzi ha tsenguluso na miumbulo two dziaho.
- Kha vha shumise rubriki i re kha siatari 27 musi vha tshi ḥola/maka mbudziso iyi.

KUAVHELWE KWA MARAGA**Maraga dza tshivhumbeo na luambo dzi avhelwe nga ndila i tevhelaho:**

- Tshivhumbeo: (Mathomo, mutumbu, magumo)- maraga 6
- Luambo: maraga 4 dzo avhelwa nga ndila hei:
 - Arali e kha khoudu 6–7 u wana maraga 4
 - Arali e kha khoudu 4–5 u wana maraga 3
 - Arali e kha khoudu 1–3 u wana maraga 2

ADENDAMU**Marangaphanda**

Khudano ndi u lwa/fhambana ha miumbulo vhukati ha vhabvumbedza nga tshavho/vhukati ha vhabvumbedza na mulayo/vhukati ha vhabvumbedza na mupo/kha mubvumbedza ene muñe. Khudano i nga bvelela nga nn̄da lune ya kona u vhonala kana ya bvelela nga ngomu kha mubvumbedza ene muñe. Muñwali wa bugu iyi o zwi kona u bvisela khagala khudano nga ndila i tevhelaho:

Mbuno

- Kha nganea yashu iyi, ri wana khudano vhukati ha Vho-Lugisani na Vho-Mandiwana khathihi na Vho-Mukhotho.
Vho-Lugisani vha hanedza mulandu wa Vho-Sandani Mawelewele vha tshi ri a vha na mulandu ngeno vhavenda Vho-Langanani Mandiwana vha tshi ri vha na milandu kha vha bvise tshelede.
- Khuđano vhukati ha Khumela Rabambukwa na Vho-Tshikweta: Musi vha tshi semana Khumela a sumbedzisa uri u do fhisa muđi wavho.
- Khuđano vhukati ha Vho-Lugisani na Vho-Mukhotho khathihi na Vho-Mandiwana: Musi vhakalaha avha vha tshi da na mafhungo a mirundu, tshikona, zwiđambo, thondo na u lima dzunde nga vhat̄hannga ngeno Vho-Lugisani vha tshi ri hu khuriwe mudavhi wa bola na u renga goloi uri vhat̄hannga vha gude u reila.

- Khu^qdano vhukati ha vhafunzi Vho-Mamidze na Vho-Lugisani: Musi Vho-Mamidze vha tshi ḥodou hwelela mulandu wa uri Phundulu o vha sukumedzela tshaloni tsha Muanalo Ralineba ngeno Vho-Lugisani vha tshi ri vha mu hangwele sa izwi vhe mufunzi. Na musi Vho-Mari^qa, mufumakadzi wa Vho-Mamidze vha tshi lifhiswa tshelede nga Vho-Lugisani ya uri vho luma Vho-Mmbi, hu si mmbwa Maphangule.
- Khu^qdano vhukati ha Vho-Lugisani na Vho-Mamidze na khonani dzavho: Musi Vho-Mamidze na khonani dzavho vha tshi vha luka maano mavhi a uri Vho-Lugisani vha iswe Dovhoni u itela u vha vhulaha nga ndila yo ḥalifhaho.
- Khu^qdano vhukati ha Vho-Lugisani na Vho-Mphaga: Musi Vho-Mphaga vho ḥanganedza vhurifhi vhu no bva ha madzhisitarata vhu no amba uri Vho-Lugisani vha khou vhanga vhuhosha Dovhoni, vha vhona unga vha khou todou vha dzhiela shango na vhaṭanuni vhavho. Vho-Mphaga vha ḥodou u thuntsha Vho-Lugisani.
- Khu^qdano vhukati ha Vho-Lugisani na Vho-Nyamalwela Singo: Musi Vho-Nyamalwela vha tshi wana vhurifhi vhu no bva ha madzhisitraha uri Vho-Lugisani vha ḥoda u vha khosi tshiimoni tshavho. Vho-Nyamalwela nga u ofha Vho-Lugisani vha mbo di shavhela musanda.
- Khu^qdano vhukati ha Vho-Lugisani na Tshammbenga: Musi Tshammbenga a tshi posa matombo mudini wa Vho-Lugsani a fhedzisela o pora ḥoho ya nwana Mukandangalwo a mbo di lovha na zwenezwo.
- Khu^qdano vhukati ha Vho-Mphaga na Vho-Mamidze na khonani dzavho: Musi Vho-Mphaga vha tshi pandela avha vhakalaha nge vha wanulusa uri mufhrifhiri wa Dovhoni wo itwa ngavho, hu si Vho-Lugisani.

Magumo

Muiwali o kona u bveledza khu^qdano buguni iyi ngauri ndi yone yo ḥotomodzaho mafhungo na u vhangula dzangalelo la vhavhali.

[25]

MBUDZISO 9: *BULAYO LO ḥALIFHAHO* – MBUDZISO PFUFHI

- 9.1 Nyito i takuwaho,✓ ngauri Vho-Lugisani vho vha vho no pfuluselwa Dovhoni nga vhamusanda hune tshikwekwe tsha u vha vhulaha nga ndila yo ḥalifhaho tsho vha tshi tshi ḥana u ḥivhonadza henehfa.✓ (2)
- 9.2 Ndi khu^qdano ya nga ngomu, ngauri ri vhona Vho-Lugisani vha khou gungulela mbiluni vhe vhothe u sumbedza uri vha na thaidzo khulwane ine ya khou vha dina mihumbuloni yavho vhe vhothe. ✓✓ (Na zwi^qwe zwi pfalaho). (2)
- 9.3 Vha khou pfa vhu^qtungu ngauri zwe zwa itwa khavho zwo vha vhaisa nga maanda ngauri vho sia zwithe na mabindu avho ngei Tshiozwi, zwithu zwe vha tou zwi bvela biko.✓✓ (2)

- 9.4 Vho-Lugisani ndi munna wa u luga a si na nndwa na muthu, a si na mikalukalu, nahone ane a kona u ḥanganedza nyimele ine a ḥangana nayo, ndi munna a sa lati fhulufhelo. ✓✓
(Na zwiñwevho zwi pfalaho). (2)
- 9.5 Nga murahu ha izwi, Vho-Lugisani vho do shumesa nga maanda u bveledza shango la Dovhoni, ha vha na madi, mabindu, kiliniki na tshikolo, zwa vho fhira na zwa nga murahu/zwa mulovha.✓✓ (2)
- 9.6 Mulaedza ndi wa uri musi muthu a tshi vhambela vhaiwe vhathu maano mavhi, zwi fhedza zwo vhaisa iwe muñe wazwo. Musi Vho-Mamidze na khonani dzavho vha tshi langana u vhaisa Vho-Lugisani, zwa vho fhedza zwo vhaisa vhone vhane.✓✓✓

KANA

- Ngocho a i kundwi nga vhuvhi, Vho-Lugisani vho lingiwa hunzhi fhedzi vha ima ngohoni, vhavhi vha fhedza vho kundwa. ✓✓✓ (3)
- 9.7 Musi bugu i tshi ya magumoni, vhamusanda Vho-Mphaga vho fhedza vho pandela Vho-Mamidze na khonani dzavho nge vha zwi wana uri ndi vhone vhane vha khou fhetä Vho-Lugisani vhone vha imela ngoho, ha vha u 'vhulaha' izwi zwifheti/vhadziatshimbevha nga ndila ya vhutali.✓✓✓ (3)
- 9.8 Vho-Lugisani vho bveledza shango na vhaswa vhało nga ndila ya musalauno-ha vha na zwikolo, mitambo ya vhaswa, madi na kiliniki u fhirisa zwe vhakalahna Vho-Mamidze na khonani dzavho vha vha tshi tama u humisela shango murahu nga u omelela kha zwithu zwi sa bveledzi shango.✓✓✓ (3)
- 9.9 A. Muthu a bva ho vhifhaho, a dovha a humela u a wela khakhathini/A/
Muthu a bva ho vhifhaho, a dovha a humela u a wela khakhathini.✓ (1)
- 9.10 Ndi vhona vhu sa yelani, ngauri mufunzi u lavhelelwa u amba ngoho kha tshitshavha na u tshi sumbedza ndila kwayo ya matshilisano, hu si u vha na tshimbevha tsha u vhaisa na fhetä vhañwe vhathu lini.✓✓ (2)
- 9.11 - Ndo vha ndi tshi nga vhudzisesa Vho-Lugisani uri mafhungo ayo ndi ngoho naa, kana a tou vha mazwifhi a vhuluñta.✓
- Ndo vha ndi tshi nga gidimela ha vhamusanda u yo vhudzisa uri ndi zwone na zwine zwa khou ambiwa nga vhurifhi.✓
- Ndo no wana ngoho ya mafhungo, nda konou dzhia vhukando. ✓
(Na zwiñwe zwi pfalaho) (3)

[25]

MAFELADAMBWA – NE Sigogo

MBUDZISO YA 10: *MAFELADAMBWA – MBUDZISO NDAPFU*

KHA VHA DZHIELE NZHELE:

- Izwi i tou vha mutheo wa u fhindula iyi mbudziso ndapfu. Kha zwi shumiswe sa tsumbandila fhedzi. Fhedzi-ha, kha vha tendele-vho na miñwe mihumbulo yo fhambanaho na iyi, tenda ya vha i tshi sumbedza vhusiki na vhutanzi ha tsenguluso na mihumbulo zwo dziaho.
- Kha vha shumise rubriki i re kha siatari 27 musi vha tshi tola/maka mbudziso iyi.

KUAVHELWE KWA MARAGA

Maraga dza tshivhumbeo na luambo dzi avhelwe nga ndila i tevhelaho:

- Tshivhumbeo : (Mathomo, mutumbu, magumo) - maraga 6
- Luambo: maraga 4 dzo avhelwa nga ndila:
 - Arali e kha khoudi 6–7 u wana maraga 4
 - Arali e kha khoudi 4–5 u wana maraga 3
 - Arali e kha khoudi 1–3 u wana maraga 2

ADENDAMU

Marangaphanda

Khudano ndi u lwa/fhambana ha mihumbulo vhukati ha vhabvumbedzwa nga tshavho/vhukati ha vhabvumbedzwa na mulayo/vhukati ha vhabvumbedzwa na mupo/kha mubvumbedzwa ene mune. Khudano i nga bvelela nga nn̄da lune ya kona u vhonala kana ya bvelela nga ngomu kha mubvumbedzwa ene muñe. Muñwali wa bugu iyi o zwi kona u bvisela khagala khudano nga ndila i tevhelaho:

Mbuno

- Kha iyi nganea, khudano ya nn̄da i vhonala vhukati ha Mawela na Vho-Maemu. Musi Mawela o pfa mme awe vha tshi khou amba na Vho-Matodzi, makhadzi awe, u pfa uri Vho-Maemu vha khou mu lowa, a mbo di thoma u vha vhenga.
- Khudano i dovha ya vhonala vhukati ha Vho-Sara na Vho-Maemu. Musi Vho-Sara vho no pfa uri Vho-Maemu ndi vhone muñe wa phele vho pfa nga Vho-Matodzi, vhukonani havho ho do sekena vha si tsha takalelana.
- Khudano iñwe ri i vhona vhukati ha Vho-Ramasunzi na Vho-Sara khathihi na Vho-Matodzi. Musi Vho-Ramasunzi vha sa tendi uri hu na vhuloi, ngeno Vho-Matodzi na Vho-Sara vha tshi tenda uri vhu hone.

- Khu^{du}ano i vhonala vhukati ha Mawela na vha ha Lialama. Musi Mawela o pfa uri u khou loiwa nga Vho-Maemu, o mbo di dzudzanya na makhomorethe uri a tou vha fhisedzela ngomu nduni.
- Khu^{du}ano i vha hone vhukati ha Mawela na mulayo. Musi Mawela a tshi ^{to}da u fhisedzela vha ha Lialama ngomu nduni, mapholisa vho mbo di da vha mu fara ngauri u khou lwa na mulayo.
- Khu^{du}ano i ^{di}vhonadza hafhu vhukati ha Vho-Ramasunzi na riwana wavho Mawela. Musi Vho-Ramasunzi vha sa imi na vhuada ho^{te}ha ha Mawela na pulane dzawe dza u ^{to}dou fhisa mudi wa ha Lialama.

Magumo

Muⁿwali o kona u bveledza khu^{du}ano buguni iyi ngauri ndi yone yo ^{to}tomodzaho mafhungo, khathihi na u vhangula dzangalelo la vhavhali.

[25]

MBUDZISO YA 11: *MAFELADAMBWA – MBUDZISO PFUFHI*

- 11.1 A ^tana tshipida tsha nyito i takuwaho,[/] ngauri ndi musi mafhungo a u pomoka Vho-Maemu sa muloi a tshi khou ^{na}_{na} u hulela a tshi ya phanda.[/] (2)
- 11.2 Ndi khudano ya nga nn^{da} ngauri Vho-Sara na Mawela vha vhonala vha tshi khou fhambanywa nga mafhungo aya a vhuloi ha vha ha Lialama. (2)
- 11.3 Nyambedzano iyi i a ita uri Mawela a ^{na}_{ne} u sinyuwa, a pfe a si tsha funa u vhona Vho-Maemu/Izwi zwo ^tavha muya wa vengo ^{li}hulu kha Mawela a tshi vhenga Vho-Maemu.[/][/] (2)
- 11.4 Vho-Matodzi ndi mukegulu a sa ambi ngoho, ane a lutanya na u funa u amba zwithu zwine vha sa vhe na vhutanzi nazwo.[/][/] (2)
- 11.5 Mawela zwo mu kwama lwe a fhedza o ^{de}lwa nga muhumbulo wa u tou fhisedzela vha ha Lialama ngomu nduni, a fhedza o no farwa nga mapholisa a sa athu u vha fhisa.[/][/] (2)
- 11.6 Mulaedza ndi wa uri muthu ha ngo tea u sokou dzhenelela mafhungo ane a si a ^{di}vhе./Muthu a songo sokou tendatenda kha mafhungo a vhuloi ngeno a si na vhutanzi nao.[/] Mawela o sokou tenda zwauri Vho-Maemu ndi muloi ngeno zwi si zwone a tshi tou vha mafhungo a mmbwa yo faho ye ya vha yo hakwa nga goloi.[/][/] (3)
- 11.7 Vho-Matodzi vho fara tshilala tsha uri vhuloi vhu hone. Ndi muthu a tendaho kha zwa dziⁿanga zwa u ya u vhonisa arali hu na tsho bvelelaho tshi sa ^tanganedzei. Izwi ndi zwine muthu a zwi guda ngei mahayani musi a tshi khou aluwa hune vhathu vha pomokana vhuloi. Ndi ngazwo na zwenezwi zwa mmbwa yo faho vho zwi tenda uri ndi zwithu zwa vhuloi.[/][/][/] (3)

- 11.8 Mafhundo aya a tana tshifhinga tsha zwino hune makhomorete vha rambana u ya u fhisa dzinn̄du dza vhathu vhane vha khou humbulelwā vhuvhi ho fhambanaho sa vhuloi, u via, u tswa na zwiñwe zwiito zwe vhifhaho. Vhathu ano mađuvha vha tenda kha zwa u tereka na u dzhia mulayo vha u vhea zwandani zwavho. ✓✓✓ (3)
- 11.9 C. Mufumakadzi o malwaho nga kholomo dzo malaho makhadzi/C/
Mufumakadi o malwaho nga kholomo dzo malaho makhadzi. ✓ (1)
- 11.10 Ndi vhona vhu tshi tanganedzea, ngauri Mawela ndi ene ane a khou pfa uri u khou loiwa/vhaisiwa, zwenezwo u lingedza nga ɻdila dzothe uri a dilwele/ditsireledze.✓✓

KANA

Ndi vhona vhu sa tanganedzei, Mawela ndi riwana, ha tei u sokou dzhena mafhundo a sa a divhi.✓✓
(Na zwiñwe zwi tanganedzeaho). (2)

- 11.11 - Ndo vha ndi tshi nga ya nda vha vhudzisa vhenevho vhane vha pfi vha khou lowa riwananga ndi na onoyo o mmbudzaho uri ri ambe zwi vhe zwithu zwe fhelaho. ✓
- Ndo vha ndi tshi nga vhudza riwananga uri kha ri dibvise kha vhutendatenda ha zwa vhuloi ngauri zwi a dzhiela muthu mutakalo wawe.✓
- Ndo vha ndi tshi do zwi litsha zwe sokou ralo vhunga muthu a sa sengisi muniwe muthu vhuloi vhunga zwi tshi vhanga vengo na milandu ngei mulayoni. ✓
(Kana zwiñwevho zwi pfalaho). (3)

[25]

FOLUKUŁOO

KHUVHANGANYO YA FOLUKUŁOO – RV Tshikovhi

MBUDZISO YA 12: *KHUVHANGANYO YA FOLUKUŁOO – MBUDZISO NDAPFU*

KHA VHA DZHIELE NZHELE:

- Izwi i tou vha mutheo wa u fhindula iyi mbudziso ndapfu. Kha zwi shumiswe sa tsumbandila fhedzi. Fhedzi-ha, kha vha tendele-vho na miňwe mihungulo yo fhambanaho na iyi, tenda ya vha i tshi sumbedza vhusiki na vhutanzi ha tsenguluso na mihungulo zwo diaho.
- Kha vha shumise rubriki i re kha siatari 27 musi vha tshi tola/maka mbudziso iyi.

KUAVHELWE KWA MARAGA

Maraga dza mbuno 15.

Maraga dza tshivhumbeo na luambo dzi avhelwe nga ndila i tevhelaho:

- Tshivhumbeo: (Mathomo, mutumbu, magumo) – maraga 6
- Luambo: maraga 4 dzo avhelwa nga ndila hei:
 - Arali e kha khoudi 6–7 u wana maraga 4
 - Arali e kha khoudi 4–5 u wana maraga 3
 - Arali e kha khoudi 1–3 u wana maraga 2

ADENDAMU

Marangaphanda

Milaedza ndi zwine murendi a funa vhavhali/vhathetshelesi vha tshi tsivhudzwa kha kutshilele kwo teaho kha lushaka. Kha izwi zwibveledzwa munwali u shumisa lungano, tshikhodo, mirero na maambele a tshi itela u pfukisela tsivhudzo ya mikhwya yavhuđi kha lushaka.

Mbuno

- Kha **lungano** ulu mulaedza ndi wa u tsivhudza vhasidzana uri vha songo funa vhatukana vhane vha si vha diwhe vho kungwa nga vhulenda na lunako ngauri vha do diwana vha khomboni khulu ine ya nga vha vhulahisa. Izwi ri zwi vhon apha lunganoni musi vhasidzana vha tshi funa vhatukana vhane vha si vha diwhe, vha vho fhedza vho shunduka u vha dzindau dze dza vha dzi vho ḥoda u vha vhulaha.
- **Tshirendo tsha sialala** tsho newaho afho n̄tha tshi nea milaedza ya uri muthu a tshi ḥoda tshithu u fanela u tou diitela/ditodela uri a wane zwone-zwone, vhatu vha tea u shuma vha sa bvafhi. Vhatu vha tshile nga mulalo na ḥthonifho, nahone vha tea u vha na zwidzumbe zwa mičani yavho.

- **Murero wa u thoma** u nea mulaedza wa uri muthu a tshi kaidzwa kha thetshelese, zwa sa ralo u do disola o no vha khakhathini.
- **Murero wa vhuvhili** u nea mulaedza wa uri muthu u fanela u talifha, ngauri u flumula ha u lugesa zwi do mu vhulahisa.
- **Liambele la u thoma** li nea mualaedza wa uri muthu a sa thanya u do tambula u swika a tshi lovha.
- **Liambele la vhuvhili** lone li disa mulaedza wa uri muthu u fanela u divha uri hu na vhatu vhane vha fhetu vhaiwe vha tshi di nga vha ima navho.

Magumo

Muñwali o kona u shumisa lungano, tshirendo tsha sialala, mirero na maambele u pfukisela milaedza ya ndeme kha lushaka. Zwi khagala uri maiwalwa haya a na mushumo muhulwane zwitshavhani.

[25]

MBUDZISO YA 13: *KHUVHANGANYO YA FOLUKULOO* – MBUDZISO PFUFHI

- 13.1 Ndi lungano lwa tsikov/ ngauri lu khou sumbedza he phukha dza thoma hone u wana mitshila.✓ (2)
- 13.2 Muanetsheli u khou tana tshipida tsha mathomele/mvulatswinga/ ngauri lungano lu tshi thoma lu thoma nga maipfi a uri salungano salungano muga hu u ramba vhatetshelesi uri vha didzhenise kha lungano lune lwa khou todou anetshelwa.✓ (2)
- 13.3 Mubva ha na nzie, nzie dzi khoroni/Tsha kule tshi wanwa nga muhovhi.✓ (1)
- 13.4 Mbila yo vha i tshi sumbedza u vha na vhubva,✓ i tshi fulufhela uri i do wana thuso kha dzinwe phukha u ya nga hu sa fheli, ✓ a zwi mangadzi magumoni a ulwu lungano mbila hu si tshe na zwe ya wana zwi i takadzaho. ✓ (3)
- 13.5 Muanetsheli u tama ri tshi guda uri muthu u fanela u tou dishumela uri a wane zwivhuya a sa lindeli thuso i bvaho kha vhaiwe vhatu./Vhatu kha ri litshe vhubva na u dzulela u itelwa/shumelwa nga vhaiwe./Zwivhuya zwi tou shumelwa. ✓✓ (Na zwinwe zwi pfalaho). (2)
- 13.6 13.6.1 Gwavhvaha li imela vhatu vhane naho vha tshi khou flurwa vha nga a vha zwi vboni, vha dzhia ligi li vhavhaho mafhedziselonu vha songo amba./Vhatu vha kondelelaho u thusa vhaiwe./ Vhatu vha sa bvafhi. ✓ (1)

- 13.6.2 Mbila yo imela vhathu vha vhubva, vhane vha ḥoda u shumelwa vho themba u fhuredzela vhaīwe. ✓ (1)
- Randevhe tsho imela vhathu vha vhuṭali vhane vha ḥewa maimo avhudi ho sedzwa thuso yavho. ✓ (1)
- 13.7 Ndo vha ndi tshi ḥo litsha vhubva nda tevhedza mulanga wa u vha na tshumisano na vhaīwe vhathu./Ndo vha ndi sa ḥo rumela muthu u ya muṭanganoni wa phukha wa u phakha mitshila; ndo vha tshi ḥo tou ya nga nnē muṇe. ✓✓
(Na zwīwe zwi pfalaho) (2)
- [15]

MBUDZISO DZA TSHIBVELEDZWA TSHA E: VHURENDI HA SIALALA (TSHIKHODO)

- 13.8 Ipfi 'dyambula' li amba u thukhula luzwa,✓ zwi sumbedzaho u vha na maanda mahulu ha lushaka lwa Vhalaudzi. ✓ (2)
- 13.9 Murero: Khuhu ya phambo a i imbi mutsho. ✓
Thalutshedzo: Mufumakadzi ha vhusi, hu vhusa munna/ha thomi mafhungo/ha na maanda.✓ (2)
- 13.10 Ndi khosi i funwaho nga vhalanda vhayo, ya maanda, nahone i tsireledzaho lushaka lwayo.✓✓
(Na zwīwe zwi pfalaho) (2)
- 13.11 Muhumbulo muhulwane ndi wa u khoda lushaka lwa Vhalaudzi vha Lwomondo, uri lwo shumela lushaka lwa Vhavenda zwavhudi nga ndila ye lwa sala lwo fhaṭea vhukuma/Tshi ḥana Vhalaudzi vha Lwamondo vhe vhathu vha maanda, vha si na muvhango, vha vhuluvha. ✓✓
(Na zwīwe zwi pfalaho). (2)
- 13.12 Ee. Nga mvelele na maitele a sialala ya Vhavenda zwo dowelea u ya u vhiga mafhungo kha vhadzimu vhavho, hu u sumbedza khuliso na u rerela Zwidzimu zwavho.✓✓

KANA

Hai. Zwa u rerela zwidzimu a zwi tsha shuma kha lifhasi la zwino.✓✓ (2)
[25]

THANGANYELO YA KHETHEKANYO YA B: 25

NA

KHETHEKANYO YA C: DIRAMA

HA U TSA NDI HA U GONYA – LL Mafenya na NA Milubi

MBUDZISO YA 14: HA U TSA NDI HA U GONYA: NA ZWONE ZWI A DINA – MBUDZISO NDAPFU

KHA VHA DZHIELE NZHELE:

- Izwi i tou vha mutheo wa u fhindula iyi mbudziso ndapfu. Kha zwi shumiswe sa tsumbandila fhedzi. Fhedzi-ha, kha vha tendele-who na miiwe mihibulo yo fhambanaho na iyi, tenda ya vha i tshi sumbedza vhusiki na vhutanzi ha tsenguluso na mihibulo zwo dziaho.
- Kha vha shumise rubriki i re kha siatari 27 musi vha tshi tola/maka mbudziso iyi.

KUAVHELWE KWA MARAGA:

Maraga dza tshivhumbeo na luambo dzi avhelwe nga ndila i tevhelaho:

- Tshivhumbeo: (Mathomo, mutumbu, magumo) – maraga 6
- Luambo: maraga 4 dzo avhelwa nga ndila hei:
 - Arali e kha khoudu 6–7 u wana maraga 4
 - Arali e kha khoudu 4–5 u wana maraga 3
 - Arali e kha khoudu 1–3 u wana maraga 2

ADENDAMU

Marangaphanda

Vhatambi buguni ya dirama ndi vhathu vhane vha tamba vha tshi bveledza puloto na thero. Kanzhi mubvumbedzwa muthihi kana vha si gathi ndi vhone vha ndeme kha u bveledza mafhungo. Nga vhatambi ri a kona u vhona matshilele a tanganedzeaho na a sa tanganedzeiho zwitshavhani. Marubini sa muiwe wa vhatambi o taniwa e muthu wa kutshilele ku sa tanganedzeiho diramani iyi.

Mbuno

- Marubini ha thetshelesi musi a tshi laiwa. Izwi ri vhona musi a songo tevhedza tsivhudzo ya manese na makhulu wawe ya uri a dibvise kha zwa vhudzekani a thome a dzhene tshikolo, ene a fhedza o ita inwe thumbu ya vhuvhili.
- O dovha hafhu a taniwa e muthu ane a fhulufhelesa khonani u wana ngeletshedzo dzo khakheaho. Izwi zwo nana u vhonala musi a tshi dzhia ngeletshedzo kha khonani dzawe ya uri kha thuthe thumbu, zwe zwa who ita uri a si tsha wana vhana musi o no vha kha mbingano.

- Marubini o dovha hafhu a bveledzwa e muthu ane a sa gude nga vhukhakhi hawe. Izwi zwi vhonala musi a tshi dovha a vha na iñwe thumbu o no kaidzwa nga vhađivhi.
- Marubini u tshila nga u sa dilonda ngeno a tshi tou zwi divha zwavhuđi uri ene u tshisiwana. Zwi vhonala musi a tshi khakha hu na uri mme awe vho lovha na uri u vho dzula na makhulu nga murahu ha musi o lwa na khotsi awe.
- Marubini o bveledzwa e muthu ane a sa lenge u shandukisa vhuimo/tsheo yawe a vho nanga u ita zwithu two khakheaho. Izwi zwi vhonala musi a tshi nanga u thutha thumbu ngeno a tshi zwi divha uri ndi tshivhi.
- Marubini ndi muthu a sa ambi ngoho. Izwi ri zwi vhonala musi a songo vhudza munna wawe uri o no vhuya a thutha thumbu.

Magumo

Muiwali o kona u pfukisa matshilele a sa tanganedzeiho nga u shumisa Marubibi diramani iyi, a tshi itela u tsivhudza vhavhali/vhataleli uri vha vhone khombo ine ya nga diswa nga u sa tshila zwavhuđi tshitshavhani.

[25]

KANA**MBUDZISO YA 15: HA U TSA NDI HA U GONYA: MUTSHUTSHU - MBUDZISO PFUFHI**

- 15.1 Muñwali u khou toda u bveledza uri vhataleli/vhavhali vha divhe zwauri Funzani o mbo di ditutshela ngau a si andane na zwine zwa khou ambiwa hafha. U sudzuluwa hawe ndi u itela uri nyito i shanduke hu de iñwe. ✓✓ (2)
- 15.2 Mafhungo aya a totomodza puloto ngauri nyambo ya Steven na Khakhathi yo fhedza yo vhanga uri Alice a rwiwe a fhedze o tuwa vhuhadzi. Izwi zwi ita uri khudano na puloto zwi bveledzwe/aluwe. ✓✓ (2)
- 15.3 Ntshavheni o tanwa e muthu a sa lengi u fhurea nga nyambo dza vhathe vthane vha sokou diambela zwine vha khou humbula, hu si na fhungo le vha tou li fara la ngoho./Ndi muthu a sa koni u talula ngoho kha mazwifhi, a vho fhedza nga u dzhia tsheo dzi si dzone. ✓✓ (2)
- 15.4 Tshipida tshi bveledzwaho afha ndi tsha nyito i takuwaho, ✓ ngauri afha ndi he thaidzo ya Ntshavheni ya thoma u hulela u swika i tshi ya mathakheni. ✓✓ (2)
- 15.5 U twesa hawe masosani na khonani mmbi zwi itisa uri a lutane na mufumakadzi/khonani yawe. ✓ Hu dovha hafhu ha dala u tshutshudzana kha u ita zwithu two khakheaho. ✓ (2)

- 15.6 Muñwali u khou ḥoda u rumela mulaedza kha vhavhali wa uri munna u tea u thanyela vhathū vhane vha nga mu luṭanya na mufumakadzi wawe nga mafhungo a si na ngoho khao. ✓✓ (2)
- 15.7 U amba e ethe zwi disa muhumbulo wa uri Ntshavheni o no dzikuswa nga mafhungo e a a pfa kha khonani dzawe. Ntshavheni u dovha a vhonala o no vha na luvhudzi lwa u humbulela mufumakadzi wawe uri vhukuma u funana na Tsanyane. ✓✓ (2)
- 15.8 Muanetsheli o ola Steven e muthu wa zwitshele ane a sokou amba mafhungo a si na vhutanzi nao a tshi ḥutuwedzwa nga vivho, ✓ ngeno Ntshavheni o olwa e muthu ane a sokou tevhelela mafhungo ane a si vhe na ngoho, a vho sokou dzhena mbitini a lwa na mufumakadzi. ✓ (2)
- 15.9 Nyambedzano iyi i ita uri Ntshavheni a lwe na mufumakadzi wawe a fhedza o tuwa, lwe mafhungo a tshi ya mathakheni a vho ḥoda mufumakadzi a tshi vhuya hayani nge a tumbula uri vho fhambana zwi songo tea. ✓✓ (2)
- 15.10 Mathakheni a vhonala zwila Ntshavheni a tshi fhambana/talana na mufumakadzi wawe. Afha ndi hune zwa vho vhifha tshoṭhe, zwithu zwa mbo di tshinyala. ✓✓ (2)
- 15.11 Ee, zwi a konadzea uri muṭa u kwashee arali munna a tevhelela zwiambo zwa vhathu masosani. Ntshavheni o thatha musadzi nga nthani ha zwiambo zwa khonani dzawe. ✓✓ (2)
- 15.12 Ee, ngauri Ntshavheni o tou mu humbulela nga murahu ha musi o pfa nyambo dza khonani dzawe, ene a vho humbula uri zwi nga vha zwi zwone uri Alice u funana na Tsanyane ula ane a ḫa a tshi mu dzhia nga goloi vha tshi ya u guda na mushumoni. ✓✓✓
(Na zwiñwe zwi pfalaho). (3)

[25]

MILOMO YA NUKALA – NP Nefefe**MBUDZISO YA 16: *MILOMO YA NUKALA – MBUDZISO NDAPFU*****KHA VHA DZHIELE NZHELE:**

- Izwi i tou vha mutheo wa u fhindula iyi mbudziso ndapfu. Kha zwi shumiswe sa tsumbandila fhedzi. Fhedzi-ha, kha vha tendele-vho na miñwe mihumbulu yo fhambanaho na iyi, tenda ya vha i tshi sumbedza vhusiki na vhutanzi ha tsenguluso na mihumbulu zwo dziaho.
- Kha vha shumise rubriki i re kha siatari 27 musi vha tshi tola/maka mbudziso iyi.

KUAVHELWE KWA MARAGA:

Maraga dza tshivhumbeo na luambo dzi avhelwe nga ndila i tevhelaho:

- Tshivhumbeo: (Mathomo, mutumbu, magumo) – maraga 6
- Luambo: maraga 4 dzo avhelwa nga ndila hei:
 - Arali e kha khoudu 6–7 u wana maraga 4
 - Arali e kha khoudu 4–5 u wana maraga 3
 - Arali e kha khoudu 1–3 u wana maraga 2

ADENDAMU***Marangaphanda***

Vhatambi buguni ya dirama ndi vhathu vhane vha tamba vha tshi bveledza puloto na ther. Kanzhi mubvumbedza muthihi kana vha si gathi ndi vhone vha ndeme kha u bveledza mafhungo. Nga vhatambi ri a kona u vhona matshilele a tanganedzeaho na a sa tanganedzeiho zwitshavhani. Vho-Bukuta sa muniwe wa vhatambi vhahulwane vho taniwa vhe muthu wa kutshilele ku sa tanganedzeiho diramani iyi.

Mbuno

- Vho-Bukuta vha bveledzwa vha thoho ya muta a re ambadzifhele. Izwi ri zwi vhona musi vha tshi ita zwine vha funa mutani na u kombetshedza mirado yothe ya muta uri i ite zwi funwaho nga vhone fhedzi.
- Ndi munna ane dzina lawe (Vho-Bukuta) la edza zwiito. Izwi zwi vhonala musi vha tshi rwa Tsumbedzo na Vho-Takalani afha mutani.
- Vho-Bukuta vho bveledzwa vhe khotsi ane a ita zwa vhudzekani na nwana wavho. Izwi zwi vhonala afha diramani vha tshi ita zwavhudzekani na Ntshengedzeni ane a vha nwana wavho wa malofhani.
- Ndi munna a sa todzi ngeletshedzo ya muniwe. Izwi zwi khwathisedzwa musi vha tshi vhudza thohoyatshikolo uri vha dibvise kha mafhungo a mutani wavho na musi vha tshi hana ngeletshedzo ya Vho-Takalani ya uri kha vha litshe nwana a dzule ha makhadzi wawe.

- Ndi munna a no kandekanya pfanelo dza vhainwe vhathu. Izwi zwi bveledzwa musi vha tshi rwa na u sema Tsumbedzo na Vho-Takalani ngeno Ntshengedzeni vho ita nawe zwa vhudzekani nga ndila ya u mu tambudza.
- Vho-Bukuta ndi munna a sa thonifhi mulayo. Vho edela na Ntshengedzeni lwa vhudzekani, vha rwa na u sema Tsumbedzo na Vho-Takalani zwine zwa lwa na milayo ya shango.
- Vho-Bukuta vha fhedza vho farwa nga mapholisa nge vha ita zwiito zwi sa tanganedzei tshitshavhani.

Magumo

Munwali o kona u pfukisa matshilele a sa tanganedzeiho nga u shumisa Vho-Bukuta diramani iyi, a tshi itela u tsivhudza vhavhali/vhataleli uri vha vhone khombo ine ya nga diswa nga u sa tshila zwavhuđi tshitshavhani.

[25]

KANA

MBUDZISO YA 17: MILOMO YA NUKALA – MBUDZISO PFUFHI

- 17.1 Muñwali u khou ḥoda u ḥivhadza zwiitei ziswa zwi ḥotomodzaho puloto kana khuđano. Muñwali u khou ḥoda u bveledza uri vhataleli/vhavhali vha divhe zwauri Ntshengedzeni o vha o ḥiedetshela u khou tou vuswa nga u khokhonya ha khotsi awe, zwine zwa ḥisa nyito ntswa i kungaho vhataleli. ✓✓ (2)
- 17.2 Mafhungo aya o ḥotodza puloto ngauri zwiito zwa Vho-Bukuta zwa lunyonionyoño lwa u ḥoda u ita zwa vhudzekani na ḥwana zwi mbo bvela khagala, ha vha u ḥotomodza puloto/khuđano. ✓✓ (2)
- 17.3 Ntshengedzeni ndi ḥwana/muthu ane a ofha u ita zwithu zwo khakheaho na uri ndi ḥwana o dalaho thonifho na vhuthu/Ndi muthu a ambaho muhumbulo wawe zwi khagala naho e kha nyimele yo vhifhaho. ✓✓ (2)
- 17.4 Mafhungo aya a ḥana tshipida tsha mathomo, ngauri ndi hone hune muñwali a thoma u ri bveledzela u simuwa ha thaidzo na vhaanewa vhahulwane. ✓✓ (2)
- 17.5 Ndi muthu ane a kha di tshila kha la mulovha he vhokhotsi vha vha sa hanedzwi, vha tshi vha vhone ambadzifhele mučani – ndi ngazwo Vho-Bukuta vha tshi ita zwine vha funa. ✓✓ (2)

- 17.6 Mulaedza ndi wa uri vhathu vha tshinnani vhane vha didzhenisa kha zwa vhudzekani na vhana vhavho/vhasidzana, vha zwi litshe ngauri vha sa ralo vha do farwa.√√

KANA

Vhathu vha tshifumakadzini vhane vha vha na vhutanzi ha vhutudzi ho raliho vha songo fhumula, kha vha pote kha vhoramilayo uri maitele ayo a fheliswe.√√

(2)

- 17.7 U amba u wothe zwi dzumbulula uri Ntshengedzeni o no vha na thaidzo nga zwe khotsi awe vha mu ita zwi sa tanganedzeiho; zwi kwama muhumbulo wawe wa vho thithisea na tshikoloni. √√

(2)

- 17.8 Vho-Takalani vha sumbedzwa vhe muthu ane a fara vhana vhwae zwavhudi, nahone vha tshi toda u divha uri vha dinwa ngani, ngeno Vho-Bukuta vha tshi tambudza vhana vhavho nga u vha rwa na u ita navho zwa vhudzekani. √√

(2)

- 17.9 Vho-Bukuta vho vha sa humbuli uri zwine vha khou ita kha Ntshengedzani zwi nga wanala, fhedzi ri tshi ya mathakheni ri wana Vho-Bukuta vha tshi vho farelwa zwiito zwavho, zwa vho shanda zwe vha humbuli. √√

(2)

- 17.10 Ntshengedzeni o tshinyalewa nga tshikolo na vhumatshelo, a fhedza o vhifha muvhilini. √√

(2)

- 17.11 Ee, zwi a konadzea kha vhokhotsi vha re na kuhumbulele kwo khakheaho, vhane vha vhona hu si vhutudzi u tambudza vhana vhavho lwa vhudzekani/ Hu na vhokhotsi vhanzhi vha re dzhele nga mafhungo a fanaho na enea. √√

(2)

- 17.12 Ee, ngauri Tsumbedzo o vha a tshi dzulela u rwiwa na u seňwa a songo tshinya tshithu. O vha a tshi dzula o tshuwa lune zwa kwamavho na kualutshele kwawe na kushumele tshikoloni. Nwana a aluwa e na mutsiko wo raliho u a kundelwa nga zwinzhi.√√√
(Kana zwinzheho zwi pfalaho).

(3)

[25]

**THANGANYELO YA KHETHEKANYO YA C:
MARAGAGUTE:**

25

80

KHETHEKANYO YA A: RUBRIKI YA U TOLA MAANEA A LITHERETSHA – MBUDZISO NDAPFU: VHURENDI [MARAGA: 10]

Khritheria	Vhukoni ha nthesa	Tshikili Tshone	Vhukoni ha vhukati/ho linganelaho/vhu fushaho	Vhukoni ha fhasi	U sa kona
ZWI RE NGOMU	8-10	6-7	4-5	2-3	0-1
Tsenguluso ya thoho Tshidziki tsha mafhundo/u khwathisedza nga vhu ^{tanzi} na kupfesesele kwa tshibveledzwa MARAGA 7	- Tsenguluso yo nwelelaho ya thoho - Mbuno dzo angalalaho dzi gobolaho; hu na khwathisedzo yo diaho u bva kha tshirendo - U pfesesa ha nthesa ha lushaka lwa li ⁿ walwa (vhurendi) na tshirendo	- U sumbedza u pfesesa na u sengulusa thoho nga ndila yone - Phindulo ndi yo faredzaho zwidodombedzwa zwi khagala - Mbuno dzi pfadzaho dzo nekedzwa, naho dzinwe dzadzo dzi songo tou tikedzwa u swika heneffho - U pfesesa ha lushaka lwa li ⁿ walwa (vhurendi) na tshirendo	- Tsenguluso i fushaho/linganelaho ya thoho - Hu na dziniwe mbuno dzavhu ^d i dzi tikedzaho thoho - Naho dziniwe dza mbuno dzo tikedzwa, hu di vha na vhu ^{tanzi} vhu sa tendiseiho - U pfesesa ha mutheo ha lushaka lwa li ⁿ walwa (vhurendi) na tshirendo	- Tsenguluso ya thoho i sa fushi - Hu na tshaedzo khulwane ya mbuno dzi tikedzaho thoho - Kupfesesele kwa fhasi kwa lushaka lwa li ⁿ walwa (vhurendi) na tshirendo	- A hu na u pfesesa ha thoho - A hu na thikhedzo u bva kha tshirendo - Mugudi ha na ndivho ya lushaka lwa li ⁿ walwa (vhurendi) na tshirendo
TSHIVHUMBEO NA LUAMBO Tshivhumbeo, thevhekano i pfadzaho na ku ⁿ ekedzelwe kwa mafhundo Luambo, thouni na tshitaila two shumiswaho kha maanea/phindulo ndapfu MARAGA 3	- Tshivhumbeo tsho lunzhedzanaho tsho ^{the} - Mbuno dzo lundwa tshidele nahone dza bveledzwa zwi khagala tsho ^{the} - Luambo, tshitaela, na thouni two vhibva, zwi a tokonya, nahone two lulama - A hu na vhukhakhi vhu vhonalaho ha girama, mupeleto na zwiga zwa u vhala	- Tshivhumbeo tshi re khagala na mbuno dzi tevhelelanaho lu pfadzaho - Thevhekano ya mbuno i a pfadza - Luambo, thouni na tshitaela vhunzhi two lulama	- Hu di vha na vhuniwe vhukhakhi ha tshivhumbeo - Maanea/Phindulo i shaedza thevhekano yo fhateaho ya kupfesesele na ndunzhendunzhe - Luambo lwo faredza vhukhakhi vhu si gathi, thouni na tshitaela hunzhi two tea	- Tshivhumbeo tsho pulaniwa lwo khakheahlo - Mbuno a dzo ngo dzudzanywa lu pfadzaho - Vhukhakhi ha luambo vhu khagala - Thou ni na tshitaila a two ngo tea	- Tshivhumbeo tsho khakheahlo - Vhukhakhi vhunzhisa ha luambo na tshitaila
MARAGANYANGAREDZI	8-10	6-7	4-5	2-3	0-1

KHETHEKANYO YA B NA C: RUBRIKI YA U TOLA/MAKA MAANEA A LITHERETSHA – PHINDULO NDAPFU: NGANEA NA DIRAMA NA FOLOKUŁOO [MARAGA: 25]

Khritheria	Vhukoni ha nthesa	Tshikili tshone	Vhukoni ha vhukati/ho linganelaho/vhu fushaho	Vhukoni ha fhasi	U sa kona
ZWI RE NGOMU	12–15	9–11	6–8	4–5	0–3
Tsenguluso ya thoho mathakhethakheni/nthesas: 14–15 Phindulo ya mathakheni/ntha: 12–13 - Tsenguluso yo nwelelaho ya thoho - Mbuno dzo angalalaho dzi gobolaho; hu na khwathisedzo yo dziaho u bva kha tshibveledzwa - U pfectesa ha nthesa ha lushaka lwa liwalwa na tshibveledzwa	- Phindulo ya mathakhethakheni/nthesas: 14–15 Phindulo ya mathakheni/ntha: 12–13 - U sumbedza u pfectesa na u sengulusa thoho nga ndila yone - Phindulo ndi yo faredzaho zwidodombedzwa zwi khagala - Mbuno dziiwe dzi pfadzaho dzo nekedzwa, naho dziiwe dzadzo dzi songo tou tikedzwa u swika henehfo - Hu na vhu tanzi ha u pfectesa lushaka lwa liwalwa na tshibveledzwa	- U sumbedza u pfectesa na u sengulusa thoho nga ndila yone - Phindulo ndi yo faredzaho zwidodombedzwa zwi khagala - Mbuno dziiwe dzi pfadzaho dzo nekedzwa, naho dziiwe dzadzo dzi songo tou tikedzwa u swika henehfo - Hu na vhu tanzi ha u pfectesa lushaka lwa liwalwa na tshibveledzwa	- U pfectesa thoho lwo linganelaho/hu songo godombelaho; a si zwe the zwitalusi zwe dodombedzwaho - Hu na dziiwe mbuno dzi tikedzaho thoho - Mariwe makumedzwa o tikedzwa, fhedzi vhu tanzi a vhu tendisei tshifhinga tshothe - U pfectesa liwalwa na tshibveledzwa hu songo fhelelaho	- U pfectesa thoho lwa u tou phuphuledza; a hu tou vha na zwiiwe zwitalusi zwe senguluswaho nga vhudalo - Mbuno thukhu dzi tikedzaho thoho - Makumedzwa a tshimbilelanaho ndi matukutuku - U pfectesa hutuku ha liwalwa na tshibveledzwa	- U pfectesa hutuku ha thoho - Ndingedzo yo rembedaho/i songo khwathaho ya u fhindula mbudziso - Makumedzwa ha tendisei na kathihi - Mugudi ha na ndivho ya lushaka lwa liwalwa kana tshibveledzwa
TSHIVHUMBEO NA LUAMBO	8–10	6–7	4–5	2–3	0–1
Tshivhumbeo, thevhekano i pfadzaho na kumekedzelwe kwa mafhungo Luambo, thouni na tshitaila zwo shumiswaho kha maanea/phindulo ndapfu	- Tshivhumbeo tsho lunzhedzana tshothe - Marangaphanda na magumo ndi zwa nthesa - Makumedzwa o vhekanywa zwavhu di nahone a bvedezwa zwi khagala - Luambo, tshitaela, na thouni zwo vhibva, zwi a tokonya, nahone zwo lulama	- Tshivhumbeo tshi re khagala na makumedzwa a tevhelelanaho lu pfadzaho - Marangaphanda na magumo na dziiwe phara zwo dzudzanywa nga ndila yo faranaho - U tevhekana hu pfadzaho ha makumedzwa - Luambo, thouni na tshitaela hunzhi zwo lulama	- Hu na vhuriwe vhu tanzi ha tshivhumbeo - U pfadza na ndunzhendunzhe zwi di vha hone, fhedzi zwe faredza vhukhakhi - Hu na vhukhakhi vhu vhonala ha luambo; thouni na tshitaila hunzhi zwo tea - Phara hunzhi dzo lulama	- Tshivhumbeo tsho pulaniwa nga ndila yo khakheaho - Makumedzwa ho ngo vhekanywa nga ndila i pfadzaho - Vhukhakhi ha luambo vhu khagala - Thouni na tshitaela a zwo ngo tea - Phara dzo khakhea	- U shaea ha tshivhumbeo tsho pulaniwaho zwi khakhisa thevhekano ya likumedzwa - Vhukhakhi ha luambo na tshitaila zwi itisa uri phindulo iyi i kundelwe u swikelela - Thouni na tshitaela a zwo ngo tea - Phara dzo khakhea
MARAGANYANGAREDZI	20–25	15–19	10–14	5–9	0–4